



翼城縣

明李諒

濰縣人洪武二年由中書省掾知翼城縣事性樸素執持公正凡聽斷洞悉人情民無怨言時天下

初定庶事草創移縣治以遠水患除奸宄以靖良善諸壇壝倉舖多所創立遷孟州祀名宦

薛大昉

字德輝蠡縣進士三年縣丞愛民興學延致元翰林檢討李炳奎教授生徒佐治十載清慎之名洋溢朝野陞御史累官布政使祀名宦

徐禎

字天祥遠安舉人景泰元年知縣敷政慈仁吏民愛慕

王綱

字文紀洛陽舉人四年知縣政績有聲號洛陽王

王珏

字廷玉昌邑歲貢天順六年知縣清勤端謹威信服人蔬細民煦煦如子以米豆遺者曰吾赤子也俱受之至犯法不少假雖豪惡皆化為良善去之日爭奪肩輿送之有一民曾為所笞珏詰其故對曰小人自

受筭以來各事生產家頗饒足皆父母賜也至今民稱之日山東王祀名宦

賴英 字文玉任丘舉人成化九年知縣仁以御民嚴以東吏民皆慕之

段應 字文舉固始舉人弘治二年知縣清介簡易不為繁苛刻木人于縣門外謂之木伴哥凡有訟命里胥抱至犯者門首罪人自至卒于官

閻鏜 涇陽人弘治間教諭教人有序利無苟得以禮經授生徒至今傳之陞昌平知州累官知府

崔進 隆平監生六年訓導醇厚朴實勤于教士講課不怠五十餘年猶有涕泣以思之者

張忠 字行恕泰安進士十三年知縣明敏有才累官平陽知府

蔣瓚 字君器高唐舉人知繁峙縣正德二年以才能調翼城為政廉平訓小民如其子弟折獄甚愜人情邑有虞芮之風陞定州累官郎中

宋汝澄 字東之武陟舉人五年知縣秉性質直實心為民遇流賊攻城率民固守力能捍衛城賴以全

鄭和 南陽監生八年訓導質實不欺甘淡約貧士饋送無所受陞伴讀

靳顯 字養晦滑縣舉人十二年知縣修城堞建城樓有功民社

張琴 鷄澤歲貢十五年縣丞剛正寡合澹泊自守秩俸之外毫無所取仕翼者清操稱為第一丁內艱去

嘉靖初補聞喜丞以禮度自飭廉謹著聞陞太原府經歷行李蕭條祀名宦廣平志入鄉賢傳

孫昂 字一鶴昌邑進士嘉靖元年知縣行廉才敏案牘不留百姓有力于農桑者輒勞賞之邑有興作惟恐以重役煩民多方措置累官四川僉事

王利 字秉義陽信舉人三年知縣廉正有守下車初卽除數大猾境內肅然蒞堂皇凜不可犯然實慈惠

凡小民情隱無不周察剛介之操歷二十年如一日累官工部郎中民至今頌之祀名宦

陸鰲 四川行都司歲貢七年主簿貞廉有才幹慈祥不苛丁內艱去之日士民祖送西郊哭不忍別

張鴻 字雲漸安化歲貢十一年縣丞廉而有能值白蓮賊燬縣署移廢寺殿材改建廳解廊舍覓工助役不勞一民半載而成又遇歲饑賑救所活甚眾陞羅山知縣

柯綱 直隸人十八年主簿任事勤慎不苟取民皆德之

鄢桂枝 字如一四川舉人授高陵教諭二十二年陞翼城知縣性慈祥不為苛激待士以禮治民以惠綜理詳密廢墜俱舉創刻縣志後陞劍州知州

郭安世 字時雍鄜州歲貢二十三年教諭質實好學督課諸生若親子弟恩義藹然去之日諸生涕泣遠送留其履以識遺愛

劉光遠 字子勉杞縣進士三十一年知縣敦儉崇朴邑舊有代辦他邑差銀民甚苦之光遠力請于上

免代辦銀伍百兩脫民積年負累之苦人咸德之歷官苑馬少卿祀名宦

張清 萊州歲貢三十一年教諭性簡靜督課不懈陞路安瀋府教授諸生愛戴之

宋虎 歷城吏員三十七年主簿有才能謹操履至今稱良幕

單訥 棗強進士四十二年知縣性介而勤雞鳴即起庭無留獄朔望謁先聖畢輒與諸生講授不勅請蠲邑中代辦差銀五百餘兩民愈便之丞以帑金羨餘私餽之訥叱之曰爾貪墨自穢乃穢我乎吾當為百姓去汝矣會病篤邑人叅議劉志賻以木感其德也誓不受木竟以直納之及逝士民流涕罷市立遺愛碑祀名宦

孫充 固始進士萬曆三年知縣儉約無苟取丁外艱歸去惟敝衣數事而已補涑水縣擢御史陞山東僉事

張養心 商州歲貢萬曆間任潞安府訓導甲午中山西鄉試二十三年陞翼城教諭登戊戌進士性情

寬厚士多慕之任叙州大同兩府推官

李嵩

棗強進士天啓三年知縣慈敏多仁政邑有代辦壺關萬泉差銀六百餘兩公力請得免擢御史巡

按本省為民興利剔弊時翼遭兵荒捐金賑貸更題蠲正供人咸頌德歷官湖廣布政祀名宦

王循長

吳橋舉人崇禎三年知縣廉幹愛民息訟勸農更建文峯科名日盛儲備火器寇莫敢犯至巳

丑逆寇圍城猶賴其用陞遼州邑人爭為攀轅歷官河南兵備殉節

李士淳

字二何程鄉進士四年知縣學博才長講藝課士寇臨城下猶不少輟邑之文風自此丕變建

翔山書院以勵後學調曲沃任滿擢翰林編修祀名宦

趙堪

字原楚汶上進士八年知縣果毅明敏奸宄肅清他郡疑訟多移勘質建四城角樓歸併里甲邑人

便之卒于官民立祠祀之

李根深

字淡寧宛平舉人十五年知縣潔已惠民邑有派征黃絲大為民累根深創為官收官解歲省

民財無筭司道行却供億適可而止曰朝廷設官為百姓耳病民結權吾不為也陞濟南同知

國朝趙昉

字海曙武城進士順治二年知縣慈祥練達饒有大畧時東山邪教倡亂昉密請兵征勦殲其

渠魁城全民安

陳琿

字壺嵐高平舉人四年教諭學有淵源心存正大士林藉為模楷陞國子監學正戶部司務

何斯美

字雲韶鎮番衛舉人五年知縣材兼文武撫禦多方時值寇亂斯美同弟斯盛躬親臨陣所至

有功至六年七月間大寇數萬圍城凡九晝夜極力捍守城全民安陞開封同知士民至今思之

王明輔

順治間典史職守勤敏捍城有功姪王國寧隨何斯盛陣亡

白珍

奉天生員七年知縣姜瓖之叛府屬州縣盡陷翼獨保全前令何斯美力也朝議失守官革職並及

斯美哆囉王勒兵征勦珍翻清字啓王力爲昭雪斯美復任翼境得免屠戮珍改令長興

胡獻瑤字心蓋遼東進士九年知縣廉靜不擾修學宮擒逆魁安定國等一時盜息歷漳州知府

左斗光字映心膺施拔貢十五年知縣才猷練達操持清慎陞許州知州

劉中立慶雲歲貢康熙二年縣丞持身正直恬靜寡慾致仕歸

陳應富字方毅遼東舉人十一年知縣明達吏治甫下車卽詢民間利弊毅然以興剔爲已任且雅重

斯文惠愛百姓允稱良吏焉

溫旌光字冠麟介休舉人十一年教諭律已端莊接人平恕文章道義允爲多士師範

王璆字紫垣真定例監二十年知縣廉正剛果善治盜不避權勢陞肇慶同知

司鉉字鼎臣寧晉進士二十四年知縣寬弘廉靜實心愛人兼攝曲沃亦有樂只之頌欽取吏部主事

徐國顯字東谷合肥拔貢二十七年知縣講學造士有功文教行取御史

臧含璧壽張拔貢三十六年知縣嚴毅有爲任事僅八月卒于官邑人哀之

汾西縣

明洪彥昇

莆田進士洪武八年知縣修學校壇廟解舍民不知擾後世有遺惠焉祀名宦

劉亨

遵化監生二十九年知縣為政公平操守廉潔聲績遠播民皆誦之陞本府同知

賈珪

巴縣監生正統間知縣清廉仁恕操守最潔後以子奠封御史

王旋

洛陽進士弘治元年知縣興學勸農政教丕著

路欽

永年監生正德五年知縣正大廉潔剛明果斷豪猾斂跡私謁絕踪庭無滯訟祀名宦

高福

大興舉人十年知縣深沉簡重政治嚴明執法正大光明以廉能調夏縣

黃甲

陝西人嘉靖間知縣實心實政為國為民鑄火器修城池經亂無虞皆其力也祀名宦

王汲

西鄉選貢萬曆十七年知縣風姿清秀才識英明守已廉潔撫民仁恕刑清訟簡優禮文士

毛炯 任縣舉人三十四年知縣興學校教務織栽桑柳
執法嚴而存心恕刑清政簡痛絕私謁陞揚州府
瓜州同知祀名宦東門又有專祠

張爾維 咸陽舉人崇禎四年知縣捍禦有功祀名宦

國朝蔣鳴龍

改名鳴梧建德拔貢康熙八年知縣廉明慈
惠念汾處萬山地瘠民貧詳憲豁免包賠小

戶納糧麥黍兼收照時估價民甚便之協濟驛站革去
額外浮費開渠溉田安輯流亡善政班班可紀

靳讓

尉氏進士三十四年知縣潔已愛民薄稅省刑捐
俸新學官修城垣俱煥然一新歲饑設法撫恤民

沾實惠歷官五載善政班班行取御史

靈石縣

明張先

洪武十一年知縣恤民愛士時當草創百廢俱興

賈昭

濟陽舉人洪武間教諭學行卓越歷官雲南布政
使

馬馴

遵化人宣德九年教諭清操不苟尤善訓士

張翼

正統七年知縣興學造士拓城北面以增形勢

范寧

卽墨人景泰七年知縣公廉勤慎築堤捍城水不
爲患

黃綱

南陽舉人成化七年教諭學問淵源氣宇弘濶有
功文教

孫璫

韓城舉人正德七年知縣精明周密當流寇殘破
後百廢具興

張永清

萊蕪監生嘉靖六年縣丞賦性方嚴制行清慎
卒于官祀名宦

種奎 階州監生十七年知縣質任純誠精明仁恕凡事以安靜處之濬城池疏通水利皆有實惠民稱頌焉祀名宦

王植 安定舉人三十八年知縣明敏慈惠修學造士祀名宦

曹乾 保安衛監生隆慶五年知縣苦節自甘因母老致仕

白夏 穎川衛人萬曆二年知縣修輯縣志

國朝張曝 趙州舉人順治二年知縣設立驛進昌明正學尤為首功

李廣生 大興拔貢十七年知縣寬明仁恕人歌樂只

孫進修 榆社人康熙五年訓導修學禮士動止端方

侯榮圭 濟源舉人康熙間知縣修堤公勤民樂趨事力爭封疆不畏強禦政平訟理有召杜之謠

蒲縣

明劉旒 長安人弘治間縣丞勤政勵操執法嚴明陞御史

葛蘭 信陽進士嘉靖三年知縣持躬廉慎敷政公平斷獄明允隣邑不決者咸質成之倉庾盈溢遇歲荒

賑濟有方民獲生全

牛惠 咸寧舉人七年知縣秉性剛方立政廉平興革協宜吏畏民懷去任民歌之日來時行李蕭然去時

行李蕭然岱嶽祠前經過此心不負皇天至今有遺思焉

李居仁 觀城貢士二十二年知縣清苦自甘處官如家一介不取致仕歸百姓思之

韓超然 臨淄貢士隆慶三年知縣清介剛方潔已恤民修城池興水利大得民心任二年以疾乞休百

姓懷之祀名宦

吳崇禮 寧陽進士萬曆十五年知縣冲襟雅度潔已愛民時值大荒多方賑貸全活甚衆蒞任八月百務改觀以才調臨晉百姓思之後官兵部尙書

高應科 邢臺舉人十七年知縣秉性率直敷政精明自奉甚儉有毀藜布被之風陞汝寧同知

羅永新 三河貢士天啓三年知縣操持嚴峻政事精明遷學官以開科裁里甲以蘇困歷任四載多所興革陞茶陵知州

沈第 邢臺貢士崇禎七年知縣值兵荒清苦自甘一介不取有以一飯見餽者亦不受其廉潔至此

國朝郭瑄 沙河貢士順治二年知縣持身端正馭下嚴明人不敢干以私蒲人稱曰鐵耳陞徽州通判

王永祚 奉天貢士九年知縣不私好惡不作威福恤民愛士至今懷思不忘

張之鳳 華陰舉人十一年知縣教紡績以惠民課文藝以造士思威並濟去之日民不忍舍

吳運新 貴池進士康熙七年知縣誠以居心公以處事廉以持已仁以惠人以直忤當道降調蒲之士

民如失慈母卽婦人女子無不流涕去之日士民泣送百里不絕各私祠之

胡必蕃 秀感舉人十年知縣潔已愛民修學宮革雜派招流移修邑志俱有功于民社

朱元裕 嘉定進士十九年知縣學道愛人和平樂易詳免荒糧七百餘兩造就單寒士甚衆修學宮培風氣有功於蒲最多城鄉皆有祠祀之

蒲州

明徐政

字以德大冶人洪武三年知州慈祥愷悌善于化民祀名宦

邵童

西和舉人八年同知奉公守法慈祥愛民累蒙旌異百姓頌美祀名宦

孫毅

字致遠荏平舉人十一年知州草創之初建立公署

蕭士名

溫縣舉人二十二年知州勅建譙樓修舉廢墜

王綽

字景文秦安人初為後軍都督府斷事再任常州府推官建文四年陞蒲州以廉平為治郡民感戴

楊清

青城人以蒲城知縣陞知州撫字勤勞吏民懷服

曹端

字正夫其先曲沃人遷河南澠池縣九歲通忠孝經十六習經史諸子永樂六年鄉試第二授霍州

學正以憂去十二年補蒲州學正倡明道學學者翕然向風又十二年報政至京蒲霍諸生爭上章乞端教育

吏部以霍州秦先至復補霍州端貌古而純氣清而粹性敏學真聞道絕蚤上接濂洛關閩之統下衍薛王陳胡之傳學者稱為月川先生蒲霍皆立祠修祀天啓初謚靖修

李錫 長安舉人永樂戊子解元授蒲州學正毅然以師道自居教人立身制行皆以身先之出門下者多咸令器陞兵科歷官通政使

張廉 字惟清長安人正統初判官績最陞知州以憂去職百姓伏闕懇留特命起復治事臨晉丞暨蒲民

盧靜等以千金致餽拒不受每課吏讀律教民以耕織為先無牛種木綿者為之勸借昭雪冤獄全活甚多修繕學宮舜廟河海神祠民不知擾務敷實惠不事虛聲致仕既久民懷感猶一日為立祠肖像祀名宦

盧祥 字仲和東莞人幼多技能年三十始習舉業正統先僭號之害劾大臣王文項文曜等奸惡為人所畏憚尋以言事謫蒲州判官慷慨就任以下僚自處曰吾素

位而行也天順元年召為禮科都給事中歷陞巡撫延綏右僉都御史

徐孚 字定之黃巖舉人景泰七年知州修葺學宮立鄉賢祠九載秩滿陞衡州知府

張琳 上蔡舉人天順八年同知臨民處事平易公直利不為動勢不能撓政績甚著

蔡晟 字文輝睢州進士成化七年知州老成平易下民稱頌以憂去

許鵬 字雲程山陽舉人二十三年知州政績優異重修學宮創建書院俱有碑記

胡昂 字文謙真定進士弘治元年知州蒞政嚴明存心正大吏民悅服豪強斂迹去之日行李蕭然州人

醵百金餽贖固辭不受抵家一貧如洗後出遊道經蒲士民歡悅如見父母攀留數日不忍捨去祀名宦

潘林 新野人二年同知幹理公勤剖決精審卒于官民哭奠久而不忘

王俊民 石首進士正德十三年知州補偏救弊卓有成績

呂經 字道夫寧州進士十三年以吏科都給事中左遷同知崇正黜邪政教兼舉建書院以造士抗內豎以衛民歷官都御史民思其德立祠河中書院祀名宦

張鵠 上饒進士十五年知州為政慈祥平易近民

華湘 泰州進士嘉靖四年以光祿寺少卿左遷知州政尚嚴肅風清弊絕

賀鑑 字本明祁州舉人七年教諭研精理學訓誨有方賑濟貧儒培養士氣去之日生徒餞送至數百里外歷官通判所至尤多惠政

楊儒魯 興國州進士十年知州政尚寬和設館造士以憂去

陳崇慶 字懋貞江陰進士十五年知州弛役寬農試課作士自守清介始終不渝歷官僉事有去思碑

李乘雲 字子雨鈞州進士二十二年以御史左遷知州剛明果斷吏民畏懷陞本府歷叅政

馮惟訥 字汝言臨朐進士二十三年知州居官有惠政見去思碑陞松江同知歷任僉事

陳應和 字文詳歸安進士三十二年知州慈祥愷悌根者悉寘於法陞員外郎去之日百姓攀轅泣送鐫碑記德建祠時祀歷官布政使

邊像 字莊甫任丘舉人三十六年知州簡重明惠先是蒲地大震時知蒲縣奉檄蒞州安輯撫綏民忘其

變旋陞知州值凋敝之初生理未復乃殫力拯濟凡城郭學舍廨宇橋梁次第修舉頓復舊觀至均戶役節煩費厚賑恤修州志皆歷歷可紀州人頌戴如父母云

張佳循 字肖甫銅梁進士以禮部郎中謫陳州同知四

循而法亦不廢工吟咏善書州之名勝題咏殆遍陞河南僉事歷官兵部尚書謚襄憲祀名宦

吳一瀾 號近泉南昌進士四十四年知州寬厚慈祥平易親民四民樂業有古循吏風歷官布政使

宋訓 號乾峯新蔡進士隆慶元年知州發州城以甄創建鼓樓修復書院歷官通政司參議祀名宦

許希孟 號淮江固始進士三年知州清廉戇直陞山西僉事歷官按察使

陳治典 號龍墅東平舉人萬曆四年知州政簡刑清有古循良風陞廣信同知

胡峻德 號克庵光州進士五年以御史左遷知州勤敏茂著風裁凜然陞南京戶部員外

何允升 號晉吾杞縣進士七年知州水玉之操一塵不染陞兵部員外

鄭文彬 號三橋黃岡人遼陽籍思貢九年陞潞安同知仍理知州事歷任九載周知民隱尊賢好士薄賦輕徭鋤克革弊奸黨頓絕督修石堤阻障洪流至今賴之

郭元柱 字直甫隆昌進士以雲南參政二十五年左遷知州精心收御百姓便之見去思碑

勇慎 號濟軒霸州舉人二十九年知州蒞任五載不輕言笑案無留牘刑政有關大紀者權勢不能奪

王堯民 號大朴南鄭籍灤州進士三十三年知州正直剛方操守峻潔豪強屏跡吏胥懾服歷官參政

張羽翔 號爰止龍遊舉人三十五年知州志尚潔清力却羨餘迥非常情可及

魏良槐 三原舉人四十八年知州敬禮祀典虔置祭器士林稱之

白宗舜 清澗舉人天啓元年知州蒲素多豪右宗舜一介不取禁絕干謁嚴革諸弊猾吏畏服

吳淑 號召田丹徒進士三年知州器宇倜儻文采華麗居心愷惻處事剛敏

國朝林天擎 號玉礎蓋州衛貢士順治二年知州時闖寇肆掠居民遠遁鄉寇乘機搶奪城中數百年

居積蕩然一空天擎加意撫綏招集流亡貸役寬征適

蒲兵來鎮差戶剖撥地安署天擎委曲調停不致兵民

雜處殘黎尙留悉其力也歷陞南贛巡撫

錢法裕 號泰原遼東籍仁和人三年知州才敏心恕值虞逆倡亂被執而灰贈參議賜祭葬

吳來亨 字康侯定邊衛舉人六年學正時姜瓖叛據大同三晉震動蒲境時有竊發事平奸人藉以羅織善類來亨力請于當事全活甚眾平居與諸生切劘為文章勗以道義多有成就署榮河篆以清惠聞中乙未進士授臨潁知縣

馬翰如 號伯願隴州舉人十二年知州惻愍無華慈祥敷政申免河崩灘地豁除無地空糧修舜祠孔廟勸民息訟州人頌之陞戶部員外

許嗣興 奉天廕生康熙十一年知州處事剛決權勢斂迹時兵逆寇蜀大兵經過供應有方市民不擾

吳瑾 黃州進士二十三年知州才長力勤胥吏不能欺

柴應辰 容城舉人二十七年知州洞達民情刑寬政簡

李六成 寧陵進士三十六年知州審編公平百姓頌之陞刑部員外

臨晉縣

明孟思顏 籍未詳洪武四年訓導草創之初重修學校功不可泯

郭彥 十一年知縣重修縣治民不知擾

石鄰 阜城人永樂間教諭善於訓迪士類樂從後以子玉貴贈御史

毛鳳來 西平進士成化間知縣冲年蒞政民頗易之值甲辰大饑人相食乃盡發倉粟以賑又募富民出貸賴以存活者甚眾時盜賊蠡起乘機搶掠鳳來嚴禁四捕立磔諸市盜亦尋息

張安 環縣人成化間知縣繼毛為政時凶荒雖脫力田無具流離者觀望不能歸且該年稅糧催徵如故安極力申請獲免民德之以為成化之饑前有毛後有張

劉洋 上蔡舉人弘治九年知縣晉軍驕橫洋嚴法懲治民咸賴之

丁守中

字仲本慶陽舉人正德十六年知縣行政和平民德之邑學官湫隘守中大為改作開拓空地

東西四十步南北五十步規制宏敞迄今賴之又以王官谷表聖隱居宋元以來名公題詠蒲山巖屋壁恐日久磨滅乃哀詩文傳記都為一帙號王官谷圖集終九年擢去

孫恪

信陽舉人嘉靖十四年知縣美容儀清癯若不勝衣為人愷悌慈祥民服其教值歲旱齋戒步禱家人恐其羸憊止之弗聽時澍雨過境內他邑則否人稱神異未幾臥疾百姓皆籲天求免卒之日宦橐蕭然

張舜臣

章丘進士二十年知縣儀容修整言笑不苟勸勵學校躬自督課刊輯縣志足垂久遠擢吏部

主事民立祠祀之累遷戶部尚書

李世藩

臨城進士三十二年知縣值乙卯地震重修公署學校增建廨舍其績甚著

史邦直

號正庵樂陵進士隆慶四年知縣莊嚴敏練凡事必定經制足垂永久吏雖黠不能售一奸數

微行利弊悉知行政井井有條節省歲以萬計邑有屯軍挾藩勢侮官凌民邦直發其奸咸稟稟就約束無敢踰尺寸者時共稱為神君考滿量移西安府丞累遷僉事祀名宦

王毓陽

綏德州進士萬曆三年知縣自靜樂調劇臨晉邑自史令建有規制毓陽一切守之弗失有不

便者但稍為變通故能有史令之治而聲稱過之今祀名宦

趙岸

蓋屋進士九年知縣善聽斷凡遇大事勘大獄不移時而決一時隣邑質成者甚眾值歲旱竭誠禱

雨輒應尋以庶務盡瘁卒于官繼令王化上其狀祀名宦

吳崇禮

寧陽進士十五年知縣自蒲縣調劇臨晉所至皆仁心實政邑北坡一帶地廣人稀拋荒者眾

崇禮置官莊具牛種召集流亡百姓愛之至今名其莊曰吳家莊任蒲擢御史

高惟岡

神木進士二十六年知縣修舉廢墜自縣治學官城垣一切聿新又於蛾眉頂築文星臺下建

文昌閣以振起文風士論咸歸焉

閔自寅

烏程舉人崇禎十三年知縣方正不畏權要不受功名力行其仁民之志屬海內大饑朝廷多

事中原流寇充斥窮民幾欲揭竿自寅蒿目時艱多方補拯故民雖流離歿亡而卒無怨叛者陞常州同知

齊以治

應城進士康熙二十四年知縣禮士愛民重修縣志

榮河縣

明施原

洪武七年知縣兵革之後建立解舍祀壇

馬復禮

洪武初縣丞建置學宮廨廟

馬遜

臨清監生成化二年知縣政多恤民修祠著績陞太原通判

高騰

臨穎舉人弘治四年知縣修廢舉墜振作有方學宮廨宇復為鼎新政平訟理民深懷焉

喬瓚

慶陽監生正德間訓導訓誨有方士風丕振

張讓

諸城進士嘉靖八年知縣操守冰潔與時不合浩然解組民遮道泣留後復官南太僕寺丞祀名宦

陳宏

莒州監生嘉靖間教諭學優行端教勤士服

唐綸

曲阜監生嘉靖間知縣振作有為才足稱焉

張麟 靈臺監生嘉靖間縣丞廉介自持終始不二人服其操

侯祁 鄆城進士嘉靖三十五年自深澤縣調榮河承地震後經理籌畫選兵飭武禁暴安民一切營繕修復如制建大寧書院集師儒其中時親誨之陞兵部主事

楊守信 高陵舉人嘉靖間教諭剛正不阿崇恥鄙浮捐俸鑄銅祭器有功祀典陞大寧縣

徐騰 崇德舉人嘉靖間知縣興除有術不為因循

趙以莊 河內監生萬曆間縣丞催徵不擾有幹理才陞鎮原縣

曹倌 望江舉人萬曆間知縣存心慈厚敷政和平旱輒夜禱露伏籲天民至今誦之

張應暉 隴西歲貢萬曆間知縣久任積勞洞析民情人共安之

向上 平利歲貢萬曆間縣丞清操雅度為鄰尹中傷人共惜之

王立本 灤州歲貢萬曆間知縣持躬儉約事簡民安

梅煥 遵化舉人萬曆二十四年知縣政平民和修舉廢墜興起文教功尤偉焉

楊尙寬 良鄉選貢三十七年知縣寬厚撫民遇士以禮

毛輝 中牟舉人萬曆間教諭品清養粹陞鞏昌通判

田有年 扶風舉人萬曆末知縣天性仁慈百姓愛戴

高之儁 阜城舉人天啓間知縣刻意圖治潔已愛民

倪秉誠 阜城舉人崇禎間知縣清介寬和實心實政士民懷之

陳萬化 閩縣歲貢崇禎間知縣刑清政簡間闔帖然

曹自省 涇陽歲貢崇禎間知縣剔奸懲蠹治理聿新

李從繩

禹州舉人崇禎間知縣恬介自矢雅意作人

王心正

曲陽歲貢崇禎間知縣禦盜有方奇荒無饑民允稱良牧

張相漢

新泰歲貢崇禎間知縣剛方不阿

國朝黃家宰

靖邊所選貢順治四年知縣勞心撫字清操不染

張錫文

字康侯江都選貢十六年知縣榮民加協濟州驛馬匹每年費三千餘金錫文極力申請得免又應風陵渡弓兵十五名榮民苦之錫文請解工食銀免其應役百姓感之陞邠州知州

陳覲聖

字幼以武陵進士康熙二年知縣催科不擾井里晏然

李長庚

號宏庵奉天舉人十二年知縣緩徵比修邑志

猗氏縣

明楊仲榮

洪武三年縣丞重修公廨創立舖舍

岳太初

六年知縣始建壇壝公署

郭慶

永樂四年知縣重修縣治

邊寧

唐縣儒士宣德十年訓導立教有方檢身寡過陞國子監助教歷臨洮知府

李真

城武人正統七年縣丞以廉幹著陞高平知縣九載滿去民為立祠祀之

徐善

景泰元年知縣修築城垣

左寅

沂州人天順六年知縣修葺文廟士林稱之

張經

涇陽人成化十三年知縣修理學宮兩廡社稷城隍壇廟僧道會司廢墜悉舉

王憲 弘治元年知縣創建社倉

徐誼 長山歲貢十一年知縣清慎才幹治邑有聲陞靈州民為立碑祀名宦

馬綸 神武衛舉人正德五年知縣執法剛毅無所曲庇而性仁厚不苛陞臨清州歷四川同知祀名宦

翟聰 任縣舉人九年知縣廉以持躬勤以執事重修城垣儒學倉廩杜村景滑橋梁舖舍百弛俱舉

齊君問 偃師舉人嘉靖二十年知縣雅意右文以德讓風厲為務公餘輒出却過履原隰規度頃畝差

品平坡以為徵課緩急豪猾無所容奸邑以大治被誣而去士民稱屈遂祀之

晉朝顯 遼東人二十年縣丞攝縣事舊制東西兩驛相接突為隣邑刁民報告本縣協供夫馬朝顯力

爭乃免又城矮增築數尺保障屹然可謂功在民社

邢綸 南鄭舉人二十二年知縣宅心光皎布政慈和一介律已緩金悉抵倉庾後值荒賑濟民免于饑尤

好賢樂士不事鉤鉅而豪猾潛消澆惡丕變吏安民樂五十年所稱善地侯之力也歷官柳州知府祀名宦

韓應春 荏平舉人三十三年知縣重修縣治學宮城垣有惠政陞寧國通判河州知州

王三益 朝邑舉人三十三年教諭勤課藝建射圃士風丕變

石繼芳 益都舉人隆慶二年教諭資性勤恪動準繩墨精舉業始教士讀古且鑑衡精當引拔多知名

士文運 為之鼎盛歷官兵備副使

張順治 深澤恩貢萬曆二年縣丞敏惠有君子度任四年催科不擾民被其澤佐尹何允升時論擬以

春蘭秋菊歷代藩左史

何允升 號晉吾杞縣進士三年知縣時積弊相沿庶務叢脞允升殫心釐剔案無留牘惠善良以德威奸俠以刑接庠序以禮繩豪貴以法論者謂其體備四時後知蒲州仍愛好邑人不替也陞兵部員外卒京師

遺俸止什金櫬不能具堂長疏于上給葬以歸祀名宦

鄭滋

臨清舉人五年教諭不受束脩捐俸以給貧窶之士陞榆社知縣

康惟時

海豐歲貢九年訓導器宇端凝嘗有塵外想好咏歸去來辭後轉汝州學正即引歸當路勉留託假長往不返士論高之

賈一鶚

霸州進士十年知縣重修學宮

楊春芳

靈壽人十二年教諭坦率有長者風拜謁上官皆長揖慨然曰老青衿寧能向鄉里小兒折腰乎當路或苛禮春芳曰吾即去必不令諸生分咎也時論偉之

陳經濟

號鴻吾禹州進士十三年知縣性澹泊沈毅力為地方謀生養丙戌歲大饑先蒞土者無一年之積經濟借鏹上官並捐俸遍設粥廠活人無筭所攜銀帶一束折以糊口堂下槐角甚繁得豆數石與縣尉

均分啖之家人止日一殮婦子冬衣單薄雖交謫弗顧也達官輜軒迂徑不入邑會邊儲告誦部使者嚴督繫經承吏經濟曰官實不才吏乎何尤乃奪索自繫使者駭去解州七郎堰護城堤也延二里州守請於上官起十縣夫築之經濟曰城堤非鹽堤可比奈何征役各縣乎弗應州守關提不已經濟詣解見守爭之破面乃罷至今七郎堰工荷無尺寸之汛經濟之力也其清操惠政蓋史冊所罕見者祀名宦

張汝良

鳳縣歲貢十八年訓導教勤心實師範無忝陞鎮原教諭

李景登

廣寧衛進士二十年知縣才敏氣恬不以崖岸自異遇事則持大體邑北坡田磽稅逋景登請除荒地民多復業暇召諸生講課邑文風浸浸茂美實景登倡之陞漢中府知府南京吏部員外

袁道

商丘舉人二十年教諭學識沉洽威儀俊爽士貧富一視不齒束脩不施楚夏而誨諭諄切士習由之歸厚焉陞真定教授

李存 寧陵歲貢二十三年知縣廉介不阿始立徵輸法每花名糧若干分限每限若干給一票共為簿至限此票無票者繫之豪奸不得遁適舉事不謀左右而摘伏如神蒞年餘輒掛冠去

郭九有 涇陽進士十四年知縣操嚴冰檠而發奸懲暴稟不可于時有慈母神君之譽所張縑蓋縷裂弗易嘗赴府參謁所過城市見其清道曰此爛傘郭君也皆引領瞻仰丁憂服闋再補猗令邑人鼓舞歡迎駢填道路九有下車慰勞情意藹然膏澤視昔有加焉陞禮部主事

李徐察 昌平人三十五年主簿質直有雅操性復明達任六年絲粒未嘗取于民當路亟獎陞太谷丞

馬孔昭 諸城舉人三十七年知縣守嚴一介約法三章樂與民休息有近悅遠來之效末俗諂佞上官輒過下邑必侈陳供帳孔昭嘆曰削百姓之腴博當事之權是可忍乎乃出自奉者奉上官上官稔知其賢故不求多且揄揚之巡按御史蘇考最曰鷹鷂遠遁鴻雁來歸列之剡牘陞蔚州知州

徐大海 寧夏選貢三十七年縣丞少年美丰姿署印能戢胥役敦重儒雅有操守會長以貪聞長賄主

書駕于大海長嘯而歸士林高之

李啓仕 邢臺人四十二年教諭署縣事嚴明整肅上下稱服

黃光燁 羅山舉人崇禎二年教諭溫文恭敬樂育英才課藝畢則為文酒會時彥歸之科第接踵起焉

陞吉州知州廉惠有聲甲申逆闖東渡將置偽官州民保留光燁微服遁去莫知所往

王應訓 永寧歲貢四年訓導淹博能文朴誠履素而磊落不隨世態竟以直道忤當路擠去去之日犢

車襍被畧無愠色士林屈之立教思碑于樞星門內

李昌齡 咸寧舉人十年知縣立各村社鄉約以敦風化親詣四鄉力田者賞荒蕪者責時旱災頻仍兼以黃鼠害稼地多菅草蕪地萬頃竭誠祈禱霖雨時降令構訟有罪者罰捕黃鼠若干或罰鋤菅草若干不半

載悉為良田流賊煽突軍需不繼當道有議加糧者昌齡為民請命繪圖告減文移十數反如獲免尋以失當道意謫檢校起知沈丘遭誣下獄闖陷京城釋獄逼仕昌齡堅卧不食死之

牟先苞 南鄭舉人十三年知縣為政無所依阿以清潔自尚一聞里吏議即掩門不出長嘯歸去士民強之暫視事候署交代終不從士論高之

國朝陳素抱

鐵嶺生員順治三年知縣本經術為吏治不任刑罰而民戴之兵燹餘黎依若慈母初蒞

土有陳蠻子者脇眾為亂或請勦之素抱曰愚賤而詐眾必不附會見其自敗耳無何果為鄉勇所殺人皆驚服後陞潼關兵道猶人多受其庇已丑河東大亂秦督孟喬芳奉 旨征勦兵臨潼關將渡河素抱恐有俱焚之禍跪白孟督曰河東難民為賊所脇望王師不啻救焚拯溺若玉石不分恐非朝廷安民之意即如荷氏固某舊治百姓醇良紳衿和順詎有不好犯上而好作亂者乎荷無頑民某敢以全家保之反覆剖陳且言且泣

孟督惻然首肯而素抱終不釋念請以其子珮隨營密有指授既渡可珮先馳至荷號召士民千餘人攜壺殮迎督師于境外孟督慰勞之曰汝荷皆良民何患乎下令前隊勿涉荷境時虞循等聞孟督東下即走據運城大兵合圍破之遂屠焉非素抱遠慮早圖則荷之人幾何不為城門池魚哉功侔再造世世尸祝可也

萬應旂 和縣歲貢十年教諭丰儀偉秀德性沉潛修學官治祭器重建敬一亭以課士品藻甚精陞運司教授

王中興 山東貢士十六年知縣植品清介為文法所格半年解組遂出公署儆民居視棄官如脫屣不

少繫戀 邑人至今欽其品

趙德 順德舉人康熙二十三年知縣廉勤自矢心慈而令嚴編審平允催科有法不煩敲朴而賦自登尤嚴于治盜訊實置之法不少縱又念賭為盜源痛懲之遊手歛戢持身以禮尤喜獎掖人才以卓異陞鄧州

董筆 平定州拔貢康熙間訓導接士有禮不責東脩捐俸修啓聖祠重置祭器新儒先神主葺完廡閣門檻不惜勞費爲人倜儻有直氣就情文酒淡然聲利之外陞蒲城縣丞

萬泉縣

明汪

德

洪武初知縣重修祀壇縣治公館舖舍祀名宦

徐新

黃巖人建文二年興史明年中山西鄉試

何福全

鳳翔吏員宣德間縣丞爲勸農官省耕耘察紡績雖衝風冒雨未嘗有倦且斂散有法民賴以

無歉夜有二姑紡者一出內問曰天晴乎曰晴如何翁爺民至今稱之歷陞叅政祀名宦

崔明

北直新城舉人成化間知縣立心慈惠蒞政精明興學育材鋤奸剔蠹其異績有蝴蝶訴冤狼償孩

命鴉喙螟虫諸事士民立有五奇之碑祀名宦

章溥

山東人弘治間知縣博學弘才操行廉潔

彭檜

平涼貢士弘治間知縣持身廉謹吏民敬畏撫字流亡見重當道調稷山

范仲芳 綏德州監生弘治間縣丞服官三載以清苦自勵丁憂去

張席珍 長山人正德間知縣才幹有為見推當代

李節 洛川監生正德間縣丞秉性剛直苞苴不行禱雨有應

陳銳 河間監生正德間縣丞明法省刑才能頗著

劉淮 蘭州歲貢正德間訓導秉性剛直教人不倦

李鳳 隴西人正德間典史明于法律諳于民情邑人士多德之

王大節 大名府舉人嘉靖元年知縣蒞政嚴明豪強屏跡吏畏民懷縣西門外有土橋年久傾頽人皆

病涉大節規畫修建悉易以石因名永利橋西又有永安橋大節亦以餘力修築至今便之記名宦

王懋 咸寧進士六年以御史謫本縣典史刑清訟理民懷其惠暇以經學授士民艱于水懋于崇德坊街

北鑿池蓄水以便民樹坊曰王公惠民池民至今德之 陞長垣知縣歷懷慶知府記名宦

王欽 安定監生嘉靖間知縣事繼母以孝聞鋤強抑惡有聲三晉邑人記其嘉績畫十二圖將內召以疾告歸

李廷棟 涑水舉人隆慶三年知縣剛毅有為誠心愛下興學校正風俗均稅糧革驛馬惠民之政難更

僕數其最大者修古城以復薛通之舊使敵騎難驅金湯永固記名宦

符嘉訓 內鄉選貢萬曆十三年知縣重纂縣志大修文廟一切制度煥然改觀

蘭桂 扶風舉人萬曆間知縣政持大體雅意作人

呼延楫 宜川選貢三十六年知縣三十九年忽回子百餘騎突至縣城楫督民壯捕之賊遁去

范文源 定興選貢四十五年知縣冰檠自凜毅然有為拓背城以固疆圉平街道以利往來尤精擇形

勝建文昌廟於北門外復于東北建臺以護之人稱范公臺陞永平同知工部郎中祀名宦

劉鼎卿 定平舉人天啓初知縣風裁絕倫文筆道健調太平陞戶部主事

許侗 高陽舉人崇禎初知縣潔已惠民澄清諸務調夏縣百姓攀轅絡繹百里陞徽州同知祀名宦

張斗 溫縣選貢崇禎間知縣賦性嚴肅才能過人遇流寇侵境禦侮有方設立防衛之資縣境恃以無虞

民多感之調趙城陞大同同知兵備僉事祀名宦

朱率鏞 寧夏人崇禎末以宗室授知縣精明果斷未竟厥施而去

國朝王楷 掖縣舉人順治十二年知縣清釐錢糧積弊奸猾不得侵漁安邑告協泓芝驛馬極力排革其

功最偉行取御史巡鹽河東

鄭章 閩縣進士十七年知縣撫字心愜到任卽革官錢雜費等項歲省民銀六千餘兩學官傾圮已久章

毅然新之且修建城樓立市通商皆實惠之在民者陞定州同知

丘園卜 睢寧進士康熙十一年知縣薄于自奉厚以待人創設義學按月課士而外分俸以給寒士時

稱慈惠之師歷官湖廣提學僉事

陳見智 曲阜進士十四年知縣清白之操五載有如一日扶掖人才凡士子以文事質正者藹然如家

人父子而撫恤百姓尤以無事處事歷官金華知府

丁珩 宿州貢監十九年知縣慈以撫衆嚴以馭下值軍需告急不差一役下鄉追呼之擾弗聞審編戶口

逃故替代任民自便闔邑感之累官漢興僉事

河津縣

明王汝霖

湖口進士洪武間知縣威惠並行行政事修舉民服其化祀名宦

韋穎

上饒舉人宣德四年教諭規矩整嚴勸修義學

李孜

涇陽人宣德時教諭學規嚴謹訓迪有方

陳俊

益都人宣德間教諭作人不倦教士有方遣子從學薛文清公後登進士

黃諒

湖廣人正統六年縣丞催科有法佐理甚勤

孫惟謙

順天舉人正統間教諭誘掖盡心朝夕不怠

趙愷

清水人天順七年知縣愛民如子號稱長者

劉冕

邠州監生成化間縣丞廉介而勤兼有才幹民多思之

劉永昌 東萊人弘治間知縣平易近民政多遺愛

符珏 新喻舉人弘治四年教諭賦性剛毅文理優長

晁讓 東阿舉人正德三年知縣廉介無私守正不屈祀名宦

王諤 西安進士正德間知縣剛直不屈處斷無滯繕完城郭改建學校務存大體人多思慕陞主事歷官

兗州知府祀名宦

王誥 靈壽貢生正德八年教諭篤學輕利模範秩然士林崇之祀名宦

程勉學 寶鷄人正德間知縣才識英敏邑無滯訟歷官長史

郭世祿 內黃舉人嘉靖五年知縣心實慈良政多簡易陞商州知州

焦廷節 華州貢士五年教諭勤慎訓迪一載教行祀名宦

樊得仁 朝邑舉人十一年知縣後行取御史邑地有瘠薄者糧為民累得仁在臺中因民具奏力贊蠲

輕至今沾惠

陳大策 登封監生十五年知縣平易近民廉介自勵

周隆 山東人十五年典史小心供職好讀儒學

方宗 固原貢士二十四年訓導持已清白訓迪有方

雍焯 臨洮舉人二十五年知縣職勵清勤猷為縝密陞監察御史

封愷 慶陽人二十九年典史為人朴誠追盜奮勇爭先克盡其職

孫尙志 劍州貢士二十九年訓導存心忠厚動作端莊

高文學 寶坻選貢三十年知縣端嚴無私清勤有幹陞通判

楊一蘭 三十八年主簿才資恂慤與人有禮

李貞 鳳翔舉人四十一年教諭學問優長規模莊雅寬嚴並濟多士樂從

李成棟 湖廣清浪衛舉人四十五年知縣廉介不私忠實無偽增高城垣一新公署陞莊浪通判後任

象州

孟養氣 定陶選貢隆慶元年訓導學問純正器宇溫和多士景服

劉紹宗 長山貢士三年教諭持身端嚴教人有體

張汝乾 洛南貢士四年知縣甃城疏池築堤堰修水利均里甲正赤歷公審編創文社崇正學飭祠宇愛民如子治邑若家修輯縣志

劉希孟 安丘進士萬曆四年知縣捐俸修理公廨優崇學校勤恤小民陞吏部主事

閻廷梓 項城舉人八年知縣清丈地畝減派糧石至今民受其福陞知州

卜自用 益都舉人十二年知縣舊例春宴鄉飲等費出里甲自用革之令該吏領綱銀自辦調翼城

張紹文 居庸舉人十四年知縣捐俸修理公署

杜桐 冠縣選貢十七年知縣城垣西南隅傾圮十餘丈給銀募夫修理完固調孟津

張洪 順天舉人十九年知縣弭盜民安率屬有體

張崇儒 巴縣舉人二十二年知縣仁厚寬和民犯重刑長嘆流涕後被論去民為立生祠

崔講 山東新城舉人二十七年知縣見南里地多荒蕪捐俸買牛給耕者

白鯤 南和舉人三十三年知縣修遮馬峪清泉灌于間等里民田至今水利疏通陞本府同知

王世芳 成安舉人四十六年知縣簡訟勤政愛民若子陞慶府審理

孫延洞 萊陽進士泰昌元年知縣設建新倉積穀備賑
重修文廟調臨汾

智鋌 元氏舉人天啓二年知縣設義塚數處以便貧民
之葬者行取御史

馬文烜 項城舉人五年知縣清廉仁厚士民依若慈母
秉性耿直未幾被論去闔縣哭留不得去之日

於有官矣民思慕不已為塑像河汾廟
卧轍攀轅車擁不獲前文烜亦喜曰士民如此無官愈

邊之靖 封丘進士七年知縣修橋梁賑貧民勤講學重
六訓修補文清廟陞兵部主事

李節亨 仁和恩貢七年訓導文譽斐然更熟兵畧防禦
流寇有方又贊修文廟

郭景昌 雒陽進士崇禎二年知縣值流寇犯村鎮修建
敵樓十餘座修文廟並三賢祠申請薛文清祠

置奉祀 一人兼以門人配享又倡修聞喜裴趙二公祠
以河灘籽粒抵補稅銀免派民間

趙九德 衛輝歲貢四年教諭敦朴崇實以博雅見重士
林捐貲倡修文廟

王國丞 陽城歲貢四年訓導謹篤耿介捐貲修補啓聖
祠並文廟

李士焜 任丘進士七年知縣禦寇有方勸諭紳民出貲
以磚石築城至今賴之行取刑科給事中

許宸 內鄉進士十四年知縣歲值洊饑斗米二金宸申
請蠲賑民賴以活未幾憂去

劉達 濟縣進士十五年知縣和平樂易飲人以醇考課
諸生尤精鑒別

劉芳久 貴州舉人十七年知縣下車即謁薛文清公祠
曰吾輩敢不敬聖賢哉月會諸生課文其中居

官清勤陞知涿州

國朝孟泰 遼東貢士順治六年知縣長于騎射靖變有功
陞歸州知州

王應泰 臨穎貢士十年知縣寬平明斷地方賴其休養
以憂去

賈士遴 大興貢士十三年知縣居心平恕蒞事安詳一
時便之陞邳州知州

崔鳴鶯 內丘進士康熙八年知縣清正勤敏愛民猶于修理廢墜不費民錢丁艱去士民思慕
馬光遠 山東大嵩衛進士十年知縣興利剔弊整施有序編審公明甚得民譽冬月過葫蘆灘見民艱涉卽捐俸建橋往來德之

吳寶林 浙江石門貢生三十七年知縣以廉潔自矢事簡民安雅意作人一時文風丕變

解州

明洪範 洪武四年知州廨宇廟學皆所創建

史彌 河間人洪武間知州勤慎愛民秩滿士民挽留遂家焉後裔史臣史篆相繼登科至今書香不絕

魯執中 八年知州重修州治

余尹瞻 十五年州判重修文廟繪羣賢像造祭器又創建鐘樓有碑

吳惠 字澤民浮梁進士正統七年知州御衆以寬接下以禮常貸錢於民收息以完州租又夜察民間紡織聲以示懲勸貧不能婚者爲備禮完娶重修學廟不勞民不傷財又嘗奏復開解鹽場爲當道者沮欲因朝覲面奏卒京邸民間之巷哭圖像祀之入名宦

薛良 和州舉人正統間學正嚴學規肅模範生徒勤業文風丕變

張寧

字永安夏邑舉人成化五年知州修廢補墜政平訟理廉介自持吏民畏服九載如一日

任福

耀州舉人弘治二年知州性寬厚作事有則得牧民體因大荒後嘗奏減徭役民多懷之

郭錡

南鄭舉人三年學正嚴立矩範勤於講解人才蔚起後之言善教者必歸焉

曾政

大興舉人弘治間訓導講解精詳始終不倦人材益盛

李序

光山舉人六年訓導質朴而教勤

田奉璋

深州舉人九年訓導志尚高邁勤于教誨

李溥

字宗大定州進士九年知州以禮自持嚴而能容人皆畏敬奸頑屏跡秩滿陞南部員外

趙忠

錦衣衛舉人十三年知州平易不事虛華

李昆

字承裕高密進士正德二年以兵部郎中左遷知州公廉禮下政平訟理盜息民安尤長於詩

李文敏

字惟聰汲縣舉人四年知州剛明疾惡奸頑偏遁修舉廢墜城池皆重為築濬上下稱能

林元叙

正德間知州秉心正直履行光明剖決如流施教不倦督修州志考正祀典俱有功焉

呂柟

高陵人戊辰殿試第一翰林修撰正德甲申奉修省詔以十三事上忤旨下獄謫本州州判以教養

為已任恤災減役勸課農桑婚祭以時鄉約有要蒙訓有稽諭俗有文一時士習民風蒸蒸日上變又築堤以護鹽池開渠以興水利建解梁書院以處學者纂修州志以定經制善政犁然轉南吏部郎中歷侍郎贈禮部尚書謚文簡州人立祠祀之

魏養蒙

洛陽進士萬曆十六年知州凡八年清嚴峻潔人莫敢犯與蒲解諸屬縣分修護池堰工五龍

堰最要害蒲人闖得之繼欲翻案養蒙力爭竟坐於蒲立有遺碑迄今人服其公

徐文煒

溧水舉人天啓間知州古執清簡一塵不染蒲人倚勢欲翻五龍堰工前案文煒執案詣鹽使

者面爭之寧棄官不肯貽害州人陞任去時質衣物為資斧

王治 薊州舉人崇禎七年知州清正近古養馬官厥自始實心實政至今推為良牧

閻堯年 隆平選貢崇禎間知州公正廉明民懷其惠累官至苑馬卿祀名宦

國朝鄒蘊賢 奉天貢士順治十年知州安靜有守民以不擾時寇亂初定凋傷未復賴其休養陞蘇州

知府人感其德立祠祀之

江闔 貴州解元康熙三十一年知州學博才優政得民心

安邑縣

明白威 新野舉人建文時教諭建白民情皆允行之永樂間陞知本縣以政績著擢御史祀名宦

蘇洪 南陽進士永樂十九年知縣以公勤仁恕見稱祀名宦

楊磬 靈臺舉人天順六年知縣居官廉潔

竇祥 鞏縣進士成化十八年知縣勤于任事歲歉賑濟有方擢御史

朱智 榮澤進士弘治五年知縣教養兼舉民多感之有德政碑

李鑿 東阿舉人十二年知縣公平廉明剷除積弊卒于官民哭之哀祀名宦

霍恩 易州進士正德二年知縣才識越眾政教清肅士民悅服以憂去繼任上蔡遇流賊攻城抗敵不克

夫婦从之罵不絕口贈光祿少卿命有司立廟本縣祀名宦

解冕

巴縣進士正德間知縣以愛民為心清操水節有古循良風擢御史去後人稱慕之

魏瓚

涇陽舉人八年知縣利興害除有造于邑

張邦敷

乾州進士正德間知縣政清訟理吏儆民懷

郭世祿

內黃貢士嘉靖五年知縣嚴以懲奸和以獎善

劉汀

南宮進士二十年知縣政尚嚴峭時當路有為年家報復逮其讐父子斃于獄更欲及其幼孫汀曰無故滅門于心安忍密防不遣其人竟獲免繪像歲祀焉有去思碑

劉儒

中部舉人嘉靖間知縣慈祥勤職省刑寬賦去後人思之

傅希摯

衡水進士三十七年知縣敦厚莊雅望之知為君子潔已慈民時督糧上官按部催逋賦甚急

摯委曲求緩民賴之陞戶部主事累官兵部尚書有去思碑

朱擢

渭南進士四十二年知縣紀綱整肅人不敢干以私

錢楷

冠縣進士四十四年知縣才識精明政聲懋著後令劉希孟嘗問邑紳王命曰傅朱錢三君孰優答曰傅仁而廉朱嚴而明錢明而敏僉以為確

袁弘德

曲周進士隆慶四年知縣其才敏練修葺城垣公署均糧移渠迄今人猶道之

劉希孟

安丘進士六年知縣清介自持一塵不染徵賦有美即抵正額剛介不阿上司每有取索不應嘗揭聯于壁云誰毀誰譽三代直道寄之民民不可欺須當勿欺于心勿欺于事自責自修一切官箴求之已已無所愧又何有愧乎天有愧乎人遐邇皆指目之曰是能不侵下不奉上者以此上多不悅然卒不能扣竟擢吏部主事官至通政使

張建

常州人隆慶間典史臨事有調度事集而眾悅

麻耘 河內人 萬曆間縣丞遇劇不亂僉稱其才有益干邑

賈名儒 真定進士十四年知縣才識敏決凡投牒者對面批發案無滯牘歲值大稔有拯濟功擢御史

王之一 肅寧進士二十一年知縣精明嚴毅刑不少假奸猾斂跡四鄰無胥役之擾良善獲安

胡璉 沂陽選貢萬曆間縣丞事母能孝母不擇輒長跪不敢起陞彭溪縣

吳愈 汝陽進士三十一年知縣平易近民民德之蘇息馬戶尤快人意陞戶部主事有生祠

閻廷梧 項城人萬曆間主簿清慎不親詞訟凡奉批詞罰紙數張行文申上而已

邢其任 臨清進士三十六年知縣值歲歉單騎巡行粥廠寧以逋賦稽其考績不怠催科擢戶部主事

劉弘化 長沙衛進士四十一年知縣才局明爽爰書不假左右猾胥豪勢不敢逞零限催徵民無逋賦

審編加意剔蠹力任衆怨心事皎然行取去後民乃思之

劉岑 萊陽貢士萬曆間縣丞清苦自勵無曲腸無飾辭陞新河知縣

來同 三原監生萬曆間主簿操履不染峻拒干請不阿權勢陞洛陽縣丞

劉進第 隴西人萬曆間教諭廉介長厚多士景仰

王可立 河間歲貢萬曆間訓導以母老致仕歸養其孝足崇

蔡勳 澤州歲貢萬曆間訓導博覽羣書人咸重之

耿啓 東鹿進士四十四年知縣創修縣志有不朽功

李可觀 榆社歲貢四十八年訓導寬厚溫恭無忝師範

王楫 泰安州進士天啓元年自柘城調繁本縣清摻如水政尚仁慈邑人戴之建生祠二陞戶部主事官

至巡撫

曹麟趾 汶上舉人二年知縣精敏振刷力懲刁風豪猾
憚其嚴明士類樂其教育

何達海 沁水歲貢七年訓導高品盛德待士和平

楊植 蘄州貢士崇禎四年縣丞博學工詩風雅可稱陞
靈山衛經歷貧不能赴任廉可知矣

房之屏 宛平舉人十五年知縣流寇陷城北面拜闕入
署拜母命子女各自盡身投井歿有殉節碑記

祀名宦

國朝韓逢暘 雄縣舉人順治二年知縣初下車慨然以澄
清諸務興復舊典為已任民多思之

劉禮典 東阿恩貢三年知縣實心實政厚重少文

李田黃 黎城舉人九年教諭修理學宮課士有方陞安
平知縣官至工部主事

王秉樞 良鄉恩貢十一年知縣誠實清慎人服其公

夏縣

明張謙 山東臨朐人遂於理學元名儒歸暘流寓夏縣謙
素傾慕洪武初來夏就之以薦授儒學教諭諸士

子雲集座下卒葬於此弟子慕其道義如哭私親

閻育 會稽人洪武四年以禮部員外郎改知本縣以循
良著績

王翰 前令仲文子家于夏洪武初以經明行修辟為本
學訓導性方正不隨俗俯仰以古聖賢為師法改

平陸後為周府教授

劉珪 興平監生永樂二年知縣廉能懋著明于大體不
矜苛細吏畏而民懷之擢刑部員外歷山東參議

雷零 商縣舉人十六年訓導勤于講授多士樂從

王珪 泰安州舉人宣德間教諭博涉五經嚴毅方正時
邑人多不務學珪造就有方寒暑不倦由是科目

相繼鄰封之士亦各勸於學

雷縉 同州舉人正統七年知縣量貧富均徭役墾荒田
以孝弟勤儉一意慈祥民懷之祀名宦

陳潤 臨安進士成化十八年知縣公廉勤慎

張銳 澠池人成化間主簿平易近民人多感之

姜洪 廣德州進士弘治二年以御史謫知本縣政治嚴
明變士風之驕悍而導以禮躬修節約民當甲者
不費一錢官至本省巡撫夏人立祠與雷縉合祀謂姜
為嚴父雷為慈母云

馮顯 榮澤人弘治間教諭以易學授生徒邑之易學始
盛

楊樞 臨潼舉人正德六年知縣政尚廉察胥吏憚服陞
御史終四川僉事

高福 順天舉人十二年以汾西調本縣嚴而不刻簡而
有體邑民立去思碑

馬弼 江夏人正德間訓導躬修而教勤至今猶談其美

楊宜 衡水進士嘉靖二年知縣蒞任五旬櫛弊鋤奸威
惠大孚尋以母憂去士民遮道泣送後歷官侍郎
長安舉人六年以永和調本縣歲饑嚴捕盜賊
民賴以安

王齊 洛陽歲貢嘉靖間教諭師範謹嚴課士有方

鍾恕 南陽舉人八年知縣政明人和興學禮士建敬一
亭啓聖祠示我周行堂葺儀門修復獨樂園救荒
有術重修縣志陞南京工部主事

朱世祿 朝邑歲貢嘉靖間教諭存心正大待士有恩

薛玉林 應天歲貢嘉靖間訓導學識宏博尤長于詩陞
山東教諭

徐祚 宣城進士十六年知縣下車節用愛民興利除害民躍然喜若更生擢御史

黃棟 湯陰舉人十七年知縣廉勤公謹始終弗渝歷官平涼知府以廉名為天下第一

張世威 渭南人嘉靖間縣丞循循雅量有儒者風精于律學事多平反陞岢嵐衛經歷邑人立石思之

李全 內江進士二十一年知縣政平訟理案無留牘歷官山西參議

岳粹 冠縣進士二十七年知縣真心實政節已愛民陞戶部主事

唐文學 福山歲貢嘉靖間訓導清介有學多士歸心陞芮城教諭歷深澤知縣

沈珪 德清進士三十二年知縣積學有文名朔望詣學宮諸生執經問難剖析義理應答如流遇士夫有

禮蒞政嚴明狷介吏民畏服入覲僅行李一擔有婺婦新成者臺使者旌曰孀珪力爭正之又議建藩於解

珪爭之日離課乃國家大賦若以剪桐恐因遂有侵牟不便事遂止其持大義如此祀名宦

王言大 衛輝舉人四十年知縣政平訟簡事舉民安建惠民樓補修學舍改建溫公書院陞保定通判

岳相 壽光進士四十二年自武進縣調知本縣不虐糶獨不畏權貴蒞政三月以母憂去扶櫬千里步歸

以孝稱歷官光祿少卿

石繼節 益都舉人嘉靖間教諭學行兼優師道振飭陞壽陽縣終南陽同知

邢宗道 涇陽吏員嘉靖間縣丞持已能廉催科不擾既去邑人立石思之

季遐齡 夏津舉人四十二年知縣才識諳練吏民畏服節省財力與民休息人尤德之陞太原同知累

陞山西參議

李溥 定州進士四十五年知縣政平訟簡用省民安陞戶部主事歷官陝西副使

趙金 東鹿人嘉靖間主簿平易近民優于政事陞經歷

王世榮

義州衛歲貢隆慶間教諭賦性狷介卒于官士哀之有如哭其私親者

陳世寶

鉅鹿舉人隆慶五年知縣政知大體愷悌愛人修舉廢墜先是儒學門西向入門見山科不乏人自成化間改移東向科目寢乏世寶築明倫堂建尊經閣改門仍復西向自是科第不絕縣西三十里牛家凹去四鄉曠遠為萑苻數世寶勅築城堡招集流移給以牛種半年成聚盜賊屏息當道者名為喜安庄百姓私識曰陳家庄立祠祀之後陞御史

楊溢

臨潼舉人萬曆三年知縣廉勤信果不苟然諾有古人風政事井井有條狷介不容于時識者惜焉

孫養默

鄒平舉人九年知縣慈祥愷悌學有淵源工詩文所著有夏臺小稿陞衛輝同知

王依仁

南樂歲貢萬曆間教諭持已狷介勤于訓迪士咸稱焉

向英芝

黔陽選貢萬曆間縣丞文學優長詳于吏事

柳佐

臨清州進士十五年知縣才識高明政體諳練邑號多訟剖決如流三月後訟簡刑清民賴以安政教兼舉恩威並著期年調曲沃

葛樞

高淳人萬曆間典史忠信儒雅

劉桐

膚施歲貢萬曆間教諭樂易多能博洽好古

高奎

清苑舉人前戶部尚書燿之子十七年知縣留心政體加意民瘼時有兇徒結黨起滅詞訟為邑大蠹奎皆繩之以法斃于獄人咸稱快又重修縣志興舉廢墜增築牛家凹堡招復流移改建南城樓修築白沙堰以防水土患陞涇州歷卽陽知府

董洪

灤縣吏員萬曆間典史心地平坦操持清潔

楊橘

岷州衛歲貢萬曆間教諭立心長厚待士有恩

王邦靖 祥符舉人二十一年知縣賦性端方理事明爽盡革從前隱匿賦役之弊

顧可大 清河監生萬曆間縣丞操守清潔制行狷介以子爾行中甲午科乞致仕云

李汝禎 懷安衛選貢二十三年以整厓丞陞知本縣練達政務剔蠹鋤奸

張籟 陽曲歲貢萬曆間教諭博學好古訓迪多士不忝師模

周璧 歷城舉人萬曆間教諭清風介節可方古人陞交城知縣

韓薰 陝西洋縣歲貢二十六年知縣賦性豪邁不為權貴所屈

王寵 寧羗州歲貢萬曆間主簿政務通敏約已愛民

許爾忠 井陘舉人萬曆間教諭簡默自持寬洪待士居家孝友多士信服下帷讀書寒暑不輟不爐不扇尤人所難陞朔州知州

袁應春 鳳翔舉人二十八年以靈石調知本縣丰姿英敏談吐風生甫履任論地方利病興革之宜如

所素觀邑之奸頑梗法者皆潛竄異境太監張忠奉命開鑛威福大作令長皆長跪白事應春獨抗禮曰公雖

貴內侍也令雖卑臣子也無庭叅理忠大怒劾之降永寧衛經歷天啓改元以薦起刑部主事至員外

石德贊 陝西華陰選貢萬曆間縣丞操守清白立心耿介

賈熙載 鷄澤舉人萬曆間以白水縣起復知本縣心地和平政務詳慎

吳士魁 黃岡人萬曆間主簿廉潔有守

姜承德 海門選貢三十年知縣建東西城樓凡儒生幼而慧貧而窘者皆訓迪賑助務底于有成

李堯臣 高平歲貢萬曆間訓導學問淵深操修廉潔舉動不苟訓迪克勤廣文中之可宗者也

邵希曾 平遙歲貢萬曆間訓導平易近人不設城府從遊者如坐春風

程登龍

江夏舉人天啓間知縣重修文廟翰墨充棟

牟希古

濰縣吏員崇禎間典史弭盜有功治民不擾

許侗

高陽舉人崇禎間知縣濬築城池調兵勦寇

袁葵

東明進士崇禎間知縣才優政美恩浹士民慮周城社尋調洪洞祀名宦

邊維隆

任丘舉人崇禎間知縣蒞政有體於民不擾

楊雲梯

郟陽舉人崇禎間知縣時值奇荒骨肉相食勸富人捐米煮粥全活者甚衆

國朝劉之屏

萬全衛進士順治四年知縣守城被難

遲日巽

廣寧貢士順治七年知縣值兵燹後勦除餘孽撫恤殘黎歷年百姓逋欠悉請蠲免又按經制

本縣水頭鎮從無牛馬站被別驛誣板控憲日吳援舊規力辯獲免闔邑戴德尋以卓異擢御史

鄭四端

陳留進士順治十三年知縣居官清慎寬以待民嚴以御史邑人無不畏服

丘宗文

奉天貢士十六年知縣平易近民才能明敏

羅于廷

閩中學人康熙元年知縣修理鼓樓四城門并文廟祭器

劉壯國

潁州進士五年知縣修建衙舍

聞喜縣

明張同文

洪武十二年知縣重修學宮

陰曄

容城人十九年知縣以廉幹稱

侯琳

山陽人正統間知縣重修文廟

余俊

平涼舉人正統間歷任介休聞喜教諭教法俱有成效

潘玉

安丘人天順間縣丞守已愛民人多稱之

高崗

邠州人天順間主簿自乞致仕送者如歸市

陳紀

河南人天順間典史有廉名

蕭英

陝州舉人成化間教諭教條嚴肅士子稱善

張詢 字信卿延安衛人持身清介篤信好學動以古人為法授徒幾百人成化間以監生任本縣丞嘗解餉抵延綏總兵官詢鄉人也為留羨餘金以遺之詢還貯之縣庫上其事于府後致仕歸貧不能自存詢處之泰然以壽終

寇恕 字道用中部舉人成化間教諭教人有方士多從之陞綿竹知縣

楊澤 河間進士弘治間知縣居官廉潔以農桑學校為首務條理精詳夙弊盡革祀名宦

吳璇 高唐舉人十三年知縣首建文廟兩廡易櫺星門以石興利除害聲稱藉甚祀名宦

劉廷燧 寧州舉人弘治間訓導學行優長條約嚴肅

李時 涿州進士正德間知縣先任長安以忤劉瑾擯斥後起任本縣禦流寇談笑折衝庶幾能捍大患者與仕終不達蓋傷於直遂云祀名宦

王琳 安丘舉人十一年知縣廉以律已嚴以臨民吏卒無所容奸豪強為之斂跡補葺學宮重修邑志祀名宦

王紳 涇州舉人正德間教諭勸士勉學修補縣志

張問行 內黃進士嘉靖元年知縣咨利弊正風俗戒奢靡立品節勸農桑給牛種作養人才平息詞訟與物無忤雖婦人女子見之不異家人以才幹稱同李閻有三侯德政碑生祠陞監察御史

李朝綱 武功舉人五年知縣清介無欲執法不撓善賑饑勤撫循自奉甚薄嘗汗污布被醫人請易之不聽祀名宦

閻倬 隴州進士八年知縣時當荒歉賑哺多方全活者眾裁革候馬貼役傳授春秋經傳三人咸登科第蔬食練服卒成恭儉之化祀名宦

史載德 任丘進士二十八年知縣威重嚴明賑濟荒愆
政多端專祠今廢祀畏壘祠

郭東藩 金鄉進士嘉靖間知縣有去思碑

羅田 光山進士十九年知縣平心御物節用愛人民甚
宜之祀名宦

李復聘 蓋厓進士四十年知縣律已嚴峻接物溫和公
無滯獄野無困民長才大畧百廢俱興凡城池

公署廟祀坊表皆所營繕毫不動民適三時不雨二麥
枯稿復聘刺股薦血為文告於城隍廟告畢不歸衙宇
依墻而哭其夜雷雨大作四野沾足二麥成熟衆神異
之陞御史為關中六君子之一祀畏壘六名宦之一

馬三樂 陽信進士四十年知縣勸完通稅力毀淫祠積
粟賑饑加意作人士服其教陞御史祀名宦

張琴 雞澤人嘉靖間自翼城調本縣丞清苦自甘廉謹
著聞陞太原府經歷行李蕭條

馬文 朝邑人隆慶初教諭忠厚廉靜不苛束脩卒于官
士共惜之

文作 涪州進士隆慶二年知縣清苦異常敬慎不怠洞
悉民隱人不敢干以私陞兵部主事父老子弟哭
送與史任丘李蓋厓王新城申靈壽喬孟津同祠祀之

王象乾 號霽宇新城進士五年知縣英年敏練尤敦大
體催科有法聽斷如神修文廟改闢學路於學

旁建董澤書院祀趙忠簡刻歐陽珎虞集二記於石建
寅賓館護城堤長二里石砌之一夫運石傷足命醫理

治傷牛者照值償之間即課士論文開南鄉及白土水
渠至今稱為王公渠後官至薊遼宣大總督祀名宦

申田 靈壽進士萬曆十八年知縣人品奇古心事光明
嚴禁衙役公門肅清胥吏有進羨餘者指戒石語

以矢之布袍蔬食儉約自甘有匹馬清風之謠父老相
傳從來第一好官

喬允升 孟津進士二十二年知縣長才雅量有政聲因
錢糧合戶催徵奸民每多拖累乃設門簿至今

遵行調掄次歷官刑部尚書

徐明 岐山進士二十四年知縣有去思碑

雷復豫 高陵選貢三十三年知縣有遺愛祠去思碑

楊作楫 字夢符蓬溪進士三十六年知縣以才調襄陵有去思碑

周鳴秦 商州舉人三十八年知縣清而不苛禁革火耗勸民完逋稅息爭訟立月課取名士甲乙之民

有乏耕具者女有乏紡車者官給之以疾卒士民痛惜有遺愛碑

時化 濰縣舉人萬曆間知縣廉介敏練剛正無私興利除弊事事求為可久申革力銀貽惠無窮執法不撓不為權勢所喜遂解綬歸百姓攀號歷久猶思念之

苗思順 寧陵進士天啓間知縣有威稜善聽斷案無積贖

張守約 三原舉人天啓間知縣居官半載不事鞭朴民樂輸納

張耀 三原舉人天啓間知縣鎮靜有度陞兵馬司民為建遺愛祠歷官雲南兵備全家殉難

余三聘 江西人天啓間縣丞廉讓有半度重士宜民

李夢麒 渭南舉人天啓間教諭秉禮程士無遽言惰容不愧師表

劉芳久 平溪舉人崇禎間知縣聰察有才百姓德之有生祠

國朝鄺奕垣 河源進士順治十年知縣悃悃無華愛民若子以憂去遺愛在人

李如蘭 武陟進士十六年知縣衙舍為闖逆所焚如蘭始重建其他上司行臺觀瀾亭香山鐘樓歐亭

裴公祠沿途舖司牌坊創修刻期告成然綜理精密頗無浮費陞吏部主事

梁參乾 山丹衛貢士康熙三年知縣坦率恬靜民受其福任兩載致仕

邵時夔 無錫貢士五年知縣法嚴而當奸民懾伏盡革雜派量增羨耗民甚宜之雅意作人月有課季有試士勸於學坐事謫去

許自俊 嘉定進士十九年知本縣性廉介攜一子一僕自隨衣布素日食青菜時有許自菜之目或以事至郡省策蹇往返餽送各上官詩扇詩綾而已大減羨耗驛站毫不派民催科甚緩民自勸輸用法平允訟獄衰息暇則以詩文自娛境內勝蹟皆有題咏招集名士講學課藝士風丕振乞休去行李蕭然祀名宦

平陸縣

明姜儀

洪武二年知縣建設治廨及修各舖舍

張謙 臨猗人洪武初任解州判後改知縣忠信篤敬言行不苟因慕司馬君實為人秩滿占籍夏縣四方之士多歸之卒葬君實墓側

王翰 夏縣人十五年由薦舉訓導官至翰林院編修見夏縣鄉賢正祀考云歷任司文推心敷教守城拒寇冒刃殞身著有敝帚集梁園稿

蔣懋 臨海人二十年典史中山西鄉試

傅銜 臨淄吏員二十三年典史蒞事明敏贊治公勤以績最擢御史

盧立魁 高安儒士永樂三年教諭以身教人士風丕振有蘇湖遺範祀名宦

李恭 正統間知縣重修儒學

彭文 真寧人成化間縣丞修城有功

喬恕 寧陵進士弘治六年知縣寬嚴互用吏畏民懷後陞御史

侯尙文 掖縣舉人十年知縣政事修明建置底績民到於今稱之

申綸 永平進士正德八年知縣才識足以有為寬仁足以得眾歷任副使

李銳 河間舉人十四年知縣行端政舉化行俗美有古循良風官至平定知州祀名宦

王紳 涇州舉人嘉靖四年知縣重葺縣治學校

李東生 東阿舉人十一年知縣重修城郭縣治學校陞通判

梁民 清河監生十九年教諭純實不欺訓迪罔懈味爽升堂視諸生所讀書復退敬一亭為諸生講經義

子史及論歷代治亂興亡之迹切理近情秋毫不爽士餽束脩不受河東言善誘者必歸焉

趙重器 天津舉人三十五年知縣重修城樓公署

王發蒙 鉅鹿貢士四十一年知縣興舉廢墜制度精詳創修縣志有資治化

劉應節 衡水人四十四年縣丞增修縣志

王學孟 安平舉人四十五年知縣增修縣志

丁一元 掖縣舉人隆慶六年知縣補修縣志

洪君瑞 永城監生六年縣丞分任修志

馬民牧 南和舉人萬曆二十八年知縣興學校勸農桑惠政及民去後人思之為建生祠祀焉

魏學徵 咸陽舉人三十二年知縣留心吏治體恤民瘼扶弱抑強豪猾斂迹引渠水以資灌溉建文臺

以振士風人懷其惠去後爲立德政碑以志思慕云

強自修 韓城舉人三十三年知縣興起教化課試士子嗣後科甲蟬聯皆所成就

李蘊秀 永年舉人天啓二年知縣剛明果毅鋤除豪強培養士類境內肅然祀名宦

湯維新 濟寧進士崇禎初知縣方正廉潔有古循良風入覲之日囊無餘金去任時送者塞途男女流涕至今頌德不衰祀名宦

耿大節 洛陽舉人崇禎間知縣時值饑饉賊盜蜂起禁暴救荒一境安堵邑人賴之

國朝陳國泰 麻城教習生員康熙五年知縣聽斷平允執法嚴毅以呈悞去官輿論惜之

徐吳錦 武進貢士原任內閣撰文中書降理藩院知事九年知縣修理官署及城隍關廟左遷萬年縣丞

柴應辰 字君拱永清籍山陰舉人十三年知縣興舉廢墜修縣志葺學宮衙署以父艱去任歷陞蒲州

知州明察絕倫政清刑簡邑人立德政碑至今思之

馮遵祖 字青山歸安進士二十三年知縣自奉淡泊存心慈惠修城編審課士講約美政多端至今思

其遺愛云

董佩衡 奉天例監二十七年知縣剛果任法人不敢干以私丁艱去行李蕭條士民歛金佐行不受後

陞秦州知州

金煒 會稽貢監二十一年知縣時方協濟豫省轉運關中水陸騷然晝夜勤勞蒞政三載平易近人

芮城縣

明張友直

洪武間知縣增修城壘至今賴之

俞士真

婺源進士永樂間以郎中知本縣操守清白政事坦易均賦役修學校深得民情而建置規為

後世永賴祀名宦

孟濟

朝邑監生正統間知縣修葺學宮作養士子

李英

寶鷄監生成化初知縣公廉直幹修葺衙署勸農息訟吏民悅服祀名宦

李濟

三原監生成化間主簿陞本縣丞復陞知縣居官十九載剛毅歷練因民為治凡間闕之貧富疾苦

罔不周知藹然如家人父子祀名宦

白世卿

字汝衡號東川秦州進士嘉靖十四年知縣才優學富政事之暇詩酒自娛士民深沐雅化有

武城絃歌之風

周時相 安州舉人二十二年知縣增補城堡敵臺築濬城隍於明倫堂後建學舍二十間訓課士子闔邑士民感佩德政祠卜子書院

強自省 鳳翔舉人三十五年丙辰春吏部因乙卯地震之變請調守令安恤殘民自省以才能奉調再

知芮邑在任勤修政治愛士惠民百廢漸興祀卜子書院

李斗 號葵軒鳳翔舉人隆慶五年知縣修邑志刻題名記萬曆元年立後周孝孫張元碑

李選 自河思貢萬曆十一年知縣蒞任暮年政洽民安慮邑城庫薄申請上憲增葺城垣周匝六百七十丈仍舊規也高二丈三尺比前加三尺厚一丈二尺比前加四尺門樓高二丈五尺比前加四尺女牆悉砌以磚不斂民財雉堞壯楚隱然百里之保障也

江渤 靜寧選貢萬曆間知縣讀書以研理為先政績著聞

張遂 華州舉人三十二年知縣撫字催科最有條理芮民賴之陞定州知州祀卜子書院

趙庭琰 號崑璞濱州舉人三十六年知縣忠厚清勤多所修建邑政一新陞昌平知州祀卜子書院

郝土膏 郟縣進士四十四年知縣清慎正直行取給事中歷陞河南巡撫

張堪 褒城進士天啓三年知縣清勤質實歷陞河南分守道

姜士佐 膠州舉人五年知縣慈惠小民培養士類修城堡救凶荒勸開墾祀名宦

傅永淳 號熙宇靈壽進士崇禎三年知縣渾厚高雅有守有為均糧豁丁德澤在人行取御史歷陞左

都御史吏部尚書

任濬 號文水益都進士五年知縣雄才大畧調繁榆次行取御史歷陞刑部尚書

范廷輔 滋陽舉人六年知縣質直嚴厲士民畏服陞監紀同知歷陞陝西苑馬寺卿

倪光薦 號蘧庵天津衛貢士十年知縣才識敏練在任五載撫恤奇荒修砌磚城歷任太僕寺卿

陳達德 字大孚義烏貢士十六年以蒲州學正陞知縣寇亂潔身而去

國朝呂秉忠 奉天貢士順治二年知縣忠厚清正歷陞鄖陽知府

李浹 德州進士五年知縣以六年寇起守禦力諫乞師秦督恢復地方全活難民至今思之

王自修 字閣卿新鄉貢士十五年知縣改修學宮培養人才申豁汾西協馬之累陞主事祀卜子書院

羅于田 號瑞崖應城貢士康熙六年知縣汾西協馬于田力持前案永斷後患嚴于弭盜邑賴以寧

高爾行 號敦之崑崙州歲貢十一年訓導公正無私品高學博士子景從

胡心尹 號豈若昌平衛舉人十三年知縣以真心行實政在任五年治績卓然可紀卒于官邑人不忍

志樹碑學宮前祀卜子書院

高壽名 號玉峯大興進士三十一年知縣時值歲凶多方拯拯活人甚眾興利除害邑人德之陞主事

王澤 永寧州選貢三十六年教諭才猷敏練學問弘通與之遊者如坐春風如飲醇醪士子咸有得師之

慶薦舉卓異陞四川榮縣令

絳州

明顧登

洪武十年知州創建治解祀壇繕葺廟學祀名宦

李學

祥符人正統四年知州公廉守法曉達民情後人感慕塑像於羊舌廟祀名宦

王汝績

金谿舉人由教諭陞知州絳民繁產薄稅重徒訟汝績謂人給則教行教行則訟息勸耕稼蠶

桑偷惰者董之不數年民業饒給大修孔子廟益廣學宮舉學政以勵士子延師儒教民間子弟教化洋溢卽旁邑民以事至州者必告以敦本節用孝弟禮讓之道雖氓之愚且賤者懇懇誨之不倦敬慎篤信接下以誠凡有徵集第書片紙付里甲與民期約勸趨無敢緩者故稅不後期民不知擾俗好鬪忿不勝卽投井死親屬厚誣或至破產嚴爲禁絕又有行劫者出其境卽掩捕置之法在任九年閭里宴然訟息獄空卒于官民哀之祀名宦

劉詵 昌黎人景泰三年以光祿署正陞知州轉運司同知

言方 鄒平進士成化六年知州博學而清正門無私謁居二載以憂去民爭扳留善政至今傳之祀名宦

李憲 青城舉人成化間學正施教有條久而不倦陞涑水知縣去之日諸生攀送號泣

劉觀 平度州人十五年知州廉勤威斷吏畏民懷居三年懇求休職得命之日單車就道

李守經 汝陽舉人成化間學正以春秋教士人多傳焉

賈定 通許進士十八年知州絳有屠人誘人出而殺諸谷中歸而私其妻不從復殺其妻而擄其女鬻之事久弗白定廉誅屠者事竟白絳有積薪道者破家糜

軀而通弗完也定通一州丁戶足其通自是絳歲無通又嘗為善惡二籍歲終則勾稽誅賞之會大饑疫絳

獨活因上救荒八事是年又平垣曲之盜後改易州尋陞山西僉事祀名宦

魏濂 鉅野監生成化間州判以廉聞州舊皆土街濂砌以石陞五臺縣

徐崇德 濟寧人弘治十六年知州置文廟祭器士林稱之

張憲 涇陽舉人性至孝朝廷旌之弘治間學正持已清慎誨人勤篤又嘗捐俸造祭器有碑存焉

易謨 固始進士正德九年知州政聲超卓陞西安同知有去思碑肖像富鄭公祠祀名宦

李文潔 貴溪舉人十二年知州剛正明斷興學校毀淫祠均賦役鋤強豪一介不取居四年風清弊絕

陞建寧同知去之日百姓遮道號泣如赤子之失慈母肖像富鄭公祠祀名宦

錢貢 蘄水舉人嘉靖十年知州嚴明剛斷囹圄常空陞廉州府

張文弼 深州舉人十七年知州慈祥忠厚平易近民陞府同知累官刑部郎中

蔚楷 合肥人嘉靖間學正規範嚴整接諸生雖私居必正冠垂紳

宦績

劉朝麒 臨洮舉人二十八年知州敦厚愛民剛果執法絳有靈丘藩封招納無賴子弟強橫為民害朝麒正其罪諸宗人欲危之朝麒諭以法乃解去陞同知轉僉事

李必昌 南海舉人嘉靖間學正工古文詞河東書院招致茂才以督率屬之諸生以得師為慶陞修仁知縣

金翮 樂清進士嘉靖三十二年以刑部郎中調任州同知署州數月興利除害聲動全晉州舊有牛頭在

瑞石驛殊為負累申呈當道折銀解納百姓便之諸所節省大得民心獨不善事上官陞徽州府通判祀名宦
賀榮 唐縣人嘉靖間學正評騰文藝妍媸不爽

蕭儼 涇縣監生嘉靖四十三年以兵馬謫州同知博學能文談論悉中肯綮冬月汾州架橋板椿之徵歲以百計儼署篆申允舊板收貯候用壞者易之不復徵銀後遂奉為成法署臨汾臨晉俱有聲祀名宦

祭養民

鄜州人嘉靖間訓導忠厚老成愛士如子每月試躬為督率

邢化 臨邑官生四十三年知州剽繁執要詞訟令自拘聽其和息不以贖錢學正李必昌與其妻卒于官子女皆幼家在南海乃擇老媪及義民護送贈抵里陞延安府同知祀名宦

段邦寵 朝邑舉人嘉靖間學正剛斷明察庚午北闈同考時稱得人陞國子學錄戶部主事

馬繼 永年人嘉靖間訓導談經論文諸生負笈門下取科第者數人陞猗氏教諭

張軌 鳳翔人嘉靖間訓導忠信誠慈愛士如子陞教諭

宋應昌 仁和進士隆慶元年知州創建石堤免汾水鬻城之患清丈地釋社絕飛詭公館供具皆官辦不以煩民抑強扶弱闡安堵士民思之歷官右都御史祀名宦

張允濟 固安進士四年由郎中調知州半度威嚴不事鈎索人自不欺歷陞僉都巡撫山東祀名宦

屈大陸 咸寧舉人六年知州馭吏有法撫民以寬建寅賓館牧愛坊布按公署

李遷喬 安丘舉人萬曆四年知州清廉篤實卒于官士民哀之

敖得義 竹谿歲貢四年州同知性和而介州人多以遠年產直訟於牧牧屬得義聽之得義但直其理不加苛責州人德之陞南安府通判和曲知州祀名宦

蔡楠 沛縣歲貢十年州同知持廉守正不能脂韋直指示以薄戒楠正色而前願聞可戒之狀既得狀願置之理則拂衣而去活民方藥至今存遺愛云

劉庚 壽光進士十三年以主事謫州同知先是在南都時以文贈人稍涉時政當途嫉之以故左遷時州守性復而奢以庚至勉加斂戢陰德及民所到留題寓意忠愛未幾以內艱去歷官浙江按察使祀名宦

尹鳳儀 新泰舉人十四年知州值歲荒捐俸分賑全活甚多

郜永春 修武人萬曆間學正視諸生如子弟恩義聯孚

白璧 清澗舉人十八年知州建莊招民墾荒人稱曰白家莊北關水路久湮力為疏導人多德之

杜濬 任丘舉人十九年知州片言決獄絳俗以小忿輒捐命濬責令自瘞民以輕生為戒佐貳無所事事閉署靜坐而已不輕役一人不輕取一物以傲招尤致仕祀名宦

王翰 商河吏員萬曆間州判操守清潔刑法嚴峻兇頑為之斂跡

王大棟 二十二年知州捐俸置學田建文昌閣

盧點 二十八年知州清廉寬厚有知人之鑒

黃一中 黃岡舉人萬曆間學正好古能文纂修舊志

范垠 邵陽選貢三十年知州恤民愛士繩督吏胥公庭肅然

官績

邵綰

富平吏員萬曆間州判彈盜有方甚得民權

張繼東

丹徒舉人三十二年知州慈祥愷悌簡於用刑青衿以寒苦告輒賑之不厭其賁有長者之風

方立誠

太平舉人萬曆間知州政治雅思復古重修州志

李初元

劍州人萬曆間州判一錢不取署州甚得民心

朱正寅

雲南人南直籍舉人萬曆間知州才識明敏興利除害為民保障

笮繼良

丹徒人萬曆間知州崇尚理學惠愛士民出銀帶為河汾書院之需

田毓華

汴梁舉人天啓間學正博學能詩推誠待士歷官南部郎中陞滇南知府

雷翀

邵陽舉人崇禎六年知州忠厚朴直惠愛士民立歲大豪為民除害有古人風祀名宦

孫順

貴州進士十四年知州謙恭好禮愛民下士有古循良之風

國朝陳維新

廣寧人順治二年知絳州廉潔篤實愛民如子有生祠歷陞巡撫

聶源

萬泉衛舉人二年知州精明洞鑒判斷如流崇文課士優禮學校

單惺

棗強舉人九年知州恭謹簡默旁竇盡杜陞工部員外

史必遵

孟縣拔貢順治間學正丰儀秀整識鑒精敏累遷湖廣衛州道

薛世望

字山子江陵歲貢十四年知州慈良愷悌士民愛戴館餼課士文風丕振

王琦

字奇玉大興舉人十六年知州政事詳明判斷無滯陞九江府同知

張世淳

會稽舉人順治間學正寬厚有容不設厓岸才思通敏文采翩翩詩效元白體每與多士唱和

有古人風任十二年陞本府教授卒以絳為桐鄉云

劉顯第

字澤遠奉天貢士康熙二年知州宏才多幹百廢具興優禮士紳

蒲昌迪

渠縣舉人十七年知州居官廉而惠慈而斷捐俸修學作養寒士口碑在人至今不朽

劉涵

宣化廩生十九年知州陞戶部員外



